

სატენდერო დოკუმენტაცია

ინტერნეტ მომსახურების ალტერნატიული შესყიდვა
გამარტივებული ელექტრონული ტენდერის
საშუალებით

(კლასიფიკატორის დანაყოფი 72400000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

ქ. თბილისი
2016 წელი

სარჩევი

ინსტრუქცია გამარტივებულ ელექტრონულ ტენდერში მონაწილეობის მისაღებად.....	3
1. ტენდერში მონაწილეობის უფლება.....	3
2. მოთხოვნები, რომელსაც უნდა აკმაყოფილებდეს მიმწოდებელი ტენდერში მონაწილეობის მისაღებად	3
3. ტექნიკური დოკუმენტაცია	3
4. საკვალიფიკაციო მონაცემების დამადასტურებელი დოკუმენტები	4
5. მომსახურების ტექნიკური დავალება.....	4
6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:.....	5
სახელმწიფო შესყიდვების შესახებ ხელშეკრულების პროექტი.....	6
დანართი N1 (ფასების ცხრილი)	11

ინსტრუქცია

გამარტივებულ ელექტრონულ ტენდერში მონაწილეობის მისაღებად

1. ტენდერში მონაწილეობის უფლება

1.1. ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

2. მოთხოვნები, რომელსაც უნდა აკმაყოფილებდეს მიმწოდებელი ტენდერში მონაწილეობის მისაღებად

2.1. პრეტენდენტი ინტერნეტის მიწოდების მომსახურებას უნდა უწევდეს მინიმუმ 50 მსხვილ ორგანიზაციას, რომლის თანამშრომელთა რაოდენობა შეადგენს 100-ზე მეტს.

3. ტექნიკური დოკუმენტაცია

3.1. პრეტენდენტმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- a) ინფორმაცია 2.1. პუნქტში მოთხოვნილი ანალოგიური მომსახურების მიწოდების შესახებ, შემსყიდველის მითითებით;
- b) პრეტენდენტის სრული რეკვიზიტები (დასახელება, იურიდიული და ფაქტიური მისამართი, ხელმძღვანელის სახელი და გვარი, ტელეფონის ნომერი, ელ. ფოსტის მისამართი, საბანკო რეკვიზიტები);
- c) ფასების ცხრილი დანართი N1 შესაბამისად.

3.2. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაცია და სატენდერო წინადადების ფასი) წარდგენით პრეტენდენტი ავტომატურად ადასტურებს, რომ შესყიდვის განხორციელების მთელი პერიოდის განმავლობაში, იგი იმოქმედებს „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და გამოხატავს თანხმობას ამ პუნქტის „ა“-„ჰ“ ქვეპუნქტებში განსაზღვრულ და სახელმწიფო შესყიდვების ხელშეკრულების პროექტის მოთხოვნებზე:

- a) სატენდერო წინადადებით შემოთავაზებული მომსახურება სრულად უნდა შეესაბამებოდეს მე-5 პუნქტში მოცემულ მოთხოვნებს;
- b) პრეტენდენტის მიერ წარმოდგენილი ტექნიკური დოკუმენტაციის თითოეული დოკუმენტი დამოწმებული უნდა იყოს უფლებამოსილი პირის ხელმოწერით და ბეჭდით (მისი არსებობის შემთხვევაში);
- c) ტექნიკური დოკუმენტაცია შეიძლება წარმოდგენილი იყოს, როგორც ქართულ, ისე

უცხოურ ენაზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული თარგმანი ქართულ ენაზე.

- d) ფაქტიურად გაწეული მომსახურების ღირებულების ანაზღაურება მოხდება ყოველთვიურად არაუგვიანეს 10 (ათი) სამუშაო დღისა შესაბამისი მიღება-ჩაბარების აქტის გაფორმებიდან და საგადახდო დოკუმენტების (ანგარიშ-ფაქტურა ან/და ინვოისი) წარმოდგენიდან (იმისდამიხედვით, რომელი უფრო გვიან მოხდება).
- e) სატენდერო წინადადების ფასი უნდა მოიცავდეს ამ ტენდერით გათვალისწინებული მომსახურების სრულყოფილად გაწევასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;
- f) იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას, რათა დადასტურდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობა. ფასწარმოქმნის ადეკვატურობა, შესაძლებელია დასაბუთდეს ექსპერტიზის ან აუდიტის დასკვნით ან შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით.
- g) აღნიშნული დასაბუთების წარუდგენლობა ან შეუსაბამობა სატენდერო განცხადებასთან, სატენდერო დოკუმენტაციასთან ან/და სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან, გამოიწვევს მის დისკვალიფიკაციას „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ა“ ქვეპუნქტის საფუძველზე;
- h) პრეტენდენტს არა აქვს უფლება წარმოადგინოს ალტერნატიული წინადადება.

4. საკვალიფიკაციო მონაცემების დამადასტურებელი დოკუმენტები

- 4.1. საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტს არ მოეთხოვება.

5. მომსახურების ტექნიკური დავალება

- 5.1. შესყიდვის ობიექტი - ალტერნატიული ინტერნეტ მომსახურების გაწევა ქვემოთ ჩამოთვლილ წერტილებში შესაბამისი სიჩქარეებით (ძირითად ინტერნერ მომსახურებას ახორციელებს სს „სილქნეტი“):

- ეროვნული ბანკის საკასო ცენტრის შენობის სერვერულ ცენტრში (ქ. თბილისი, კახეთის გზატკეცილი N72):
 - გარანტირებული ლოკალური სიჩქარე 1 გიგაბიტი/წმ
 - გარანტირებული გლობალური სიჩქარე 60 მეგაბიტი/წმ
- ეროვნული ბანკის ფულის მუზეუმი (ქ. ყვარელი, შოთა რუსთაველის N10):
 - გარანტირებული ლოკალური სიჩქარე 2 მეგაბიტი/წმ

- 5.2. ინტერნეტ სერვისის მიწოდება უნდა განხორციელდეს ოპტიკურ-ბოჭკოვანი არხის შეერთების საშუალებით (გარდა ყვარელისა, ყვარელში შესაძლებელია უკაბელო შეერთება);
- 5.3. წინადადება უნდა მოიცავდეს ოპტიკური კაბელის მიყვანას შემსყიდველის შესაბამისი წერტილის ინფრასტრუქტურამდე (შენობაში სერვერულ ცენტრში);
- 5.4. ეროვნულ ბანკს გააჩნია საკუთარი BGP AS და პრეფიქსი და პროვაიდერმა უნდა უზრუნველყოს ეროვნული ბანკის პრეფიქსის BGP-ით დაანონსება;
- 5.5. ინტერნეტ სერვისის მიწოდებისას უზრუნველყოფილ უნდა იქნას ლოკალური და გლობალური BGP PEER ლოგიკური გაყოფა;
- 5.6. პროვაიდერმა კავშირის დაბოლოება უნდა განხორციელოს შესაბამისი SFP მოდულით;
- 5.7. Ping-ის დრო ევროპამდე 150 მილი წამზე ნაკლები თითოეული მიმართულებით;
- 5.8. საქართველოს პროვაიდერების მისამართებიდან წამოსული ნებისმიერი ტრაფიკი უნდა მოდიოდეს ლოკალური ტრაფიკის სახით;
- 5.9. მოთხოვნის შემთხვევაში პროვაიდერის მხარეს შეერთების ფიზიკური პორტის მიხედვით დატვირთვის სტატისტიკის მიწოდება;
- 5.10. ლასთ მაილზე პაკეტების დანაკარგები 0.1%-ზე ნაკლები;
- 5.11. კონსულტაციები და საჭიროების შემთხვევაში ადგილზე დახმარების აღმოჩენა ტექნიკურ საკითხებთან დაკავშირებით, ნებისმიერ დროს კვირაში 7 დღე (24/7);
- 5.12. სერვისის მიწოდების გარანტირებულმა აფ-თაიმმა (სერვისის წვდომის დრო, რომელშიც არ შედის მიმწოდებლის მიერ წინასწარ გაფრთხილებისას სერვისის წყვეტა) უნდა შეადგინოს 99.5% თითოეულ წერტილზე, მაგრამ დასაშვები სერვისის მიუწვდომლობის დრო თითოეულ წერტილზე თბილისში არ უნდა აღემატებოდეს ერთ საათს ერთ ჯერზე, ხოლო რეგიონებში არ უნდა აღემატებოდეს ორ საათს ერთ ჯერზე;
- 5.13. ერთ ჯერზე თითოეულ წერტილზე თბილისში ერთ საათზე, ხოლო რეგიონებში ერთ ჯერზე ორ საათზე მეტი ხნით სერვისის მიუწვდომლობისათვის მიმწოდებელი დაჯარიმდება ხელშეკრულების ყოველთვიური ღირებულების 3%-ის ოდენობით ყოველ გადაგადაცილებულ საათზე (ჯარიმის დათვლისას ყოველი არასრული საათის გადაგადაცილება დამრგვალდება ერთ სრულ საათმდე), ხოლო მთლიანი ლიმიტის ზემოთ (99.5%) გადაგადაცილებაზე, ყოველ გადაგადაცილებულ საათზე ხელშეკრულების საერთო ღირებულების 2%-ით, რომლის გადახდა მოხდება ასანაზღაურებელი თანხიდან გამოქვითვით;
- 5.14. მიმწოდებელმა ინტერნეტ მომსახურების შემსყიდველისათვის მიწოდება უნდა განხორციელოს 2017 წლის 1 იანვრიდან - 31 დეკემბრის ჩათვლით.

6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

6.1. სატენდერო კომისიის აპარატის წევრები:

- ზურაბ ღონღაძე: ტელ: 2406 369; ელ.ფოსტა: zgongadze@nbg.gov.ge
- ნიკოლოზ ჩუხრუკიძე: ტელ: 2406 398; ელ.ფოსტა: nchukhrukidze@nbg.gov.ge

შენიშვნები:

- სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;

- სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის“ დამტკიცების შესახებ“ მოცემულია საიტზე: www.procurement.gov.ge;

სახელმწიფო შესყიდვების შესახებ ხელშეკრულების პროექტი ხელშეკრულება N

ქ. თბილისი

2016 წელი

შემსყიდველი: ს.ს.ი.პ. „საქართველოს ეროვნული ბანკი“
მისამართი: თბილისი, 0114, სანაპიროს ქ. 2;
საიდენტიფიკაციო კოდი: 203 824 148.

მიმწოდებელი: _____
იურიდიული მისამართი: _____
ფაქტიური მისამართი: _____
საიდენტიფიკაციო კოდი: _____
საბანკო რეკვიზიტები: _____

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (სატენდერო განცხადება NSPA1600____) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანია: საქართველოს ეროვნული ბანკისათვის ინტერნეტ მომსახურების ალტერნატიულ (შემდგომში „მომსახურება“) შესყიდვას ტექნიკური დავალების და ხელშეკრულების პირობების შესაბამისად (CPV კოდი – 72411000).

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებენ სეზ-ის საინფორმაციო ტექნოლოგიების დეპარტამენტის უფროსი და სეზ-ის შესყიდვების და ლოჯისტიკის დეპარტამენტის უფროსი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

3. მომსახურების მიღება ჩაბარების წესი

3.1. მიმწოდებელმა მომსახურების გაწევა უნდა განახორციელოს დანართი N1-ში მოცემული ვადების და პირობების შესაბამისად.

- 3.2. ყოველთვიურად მომსახურების ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. შემსყიდველის მხრიდან 3.2. პუნქტში აღნიშნული მიღება-ჩაბარების აქტის ხელმოწერი პირია სებ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული მომსახურების ფასები მოცემულია დანართი N1-ში.
- 4.2. წინამდებარე ხელშეკრულებით გათვალისწინებული მომსახურების საერთო სავარაუდო ღირებულება შეადგენს _____ ლარს („ხელშეკრულების ფასი“).
- 4.3. ხელშეკრულების ფასი მოიცავს მომსახურების გაწევისათვის აუცილებელ ყველა ხარჯსა და საქართველოს კანონმდებლობით დადგენილ ყველა გადასახადს.
- 4.4. მომსახურების ღირებულების გადახდა ხორციელდება ლარში, უნაღდო ანგარიშსწორების წესით, წინამდებარე ხელშეკრულების 3.2 ქვეპუნქტის შესაბამისად მომსახურების მიღებიდან და მიმწოდებელის მიერ სათანადო დოკუმენტაციის (ანგარიში, საგადასახადო ა/ფაქტურა, ინვოისი) წარმოდგენიდან (იმისდა მიხედვით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს:
 - 5.1.1. მიიღოს მიმწოდებლისგან ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული მომსახურება;
- 5.2. შემსყიდველი ვალდებულია:
 - 5.2.1. გადაუხადოს მიმწოდებელს ფაქტიურად გაწეული მომსახურების ღირებულება, ხელშეკრულებით გათვალისწინებული პირობების შესაბამისად;
 - 5.2.2. მიიღოს შემსყიდველისგან ფაქტიურად გაწეული მომსახურების ღირებულება ხელშეკრულების პირობების შესაბამისად;
 - 5.2.3. უზრუნველყოს მის ტერიტორიაზე განლაგებული ქსელის ფუნქციონირებისათვის აუცილებელი ტექნიკური საშუალებების უწყვეტი ენერგო მომარაგებაზე და ქატიურ ხელშეწყობაზე ხარისხიანი ხარისხიანი ელექტროენერგიის მიწოდება.
- 5.3. მიმწოდებელი ვალდებულია:
 - 5.3.1. ჯეროვნად, კეთილსინდისიერად, დათქმულ დროსა და ადგილას გაუწიოს შემსყიდველს ხელშეკრულებით გათვალისწინებული მომსახურება;
 - 5.3.2. უზრუნველყოს შემსყიდველის რეგისტრაცია და მონაცემთა ქსელში ჩართვა;
 - 5.3.3. სერვისის მიწოდების გარანტირებულმა აფ-თაიმმა (სერვისის წვდომის დრო, რომელშიც არ შედის მიმწოდებლის მიერ წინასწარ გაფრთხილებისას სერვისის წყვეტა) უნდა შეადგინოს 99.5% თითოეულ წერტილზე, მაგრამ დასაშვები სერვისის მიუწვდომლობის დრო თითოეულ წერტილზე თბილისში არ უნდა აღემატებოდეს ერთ საათს ერთ ჯერზე, ხოლო რეგიონებში არ უნდა აღემატებოდეს ორ საათს ერთ ჯერზე.
- 5.4. მიმწოდებელი არ არის პასუხისმგებელი:
 - 5.4.1. მომსახურების ხარისხზე, თუ შემსყიდველის რეალური მოთხოვნა სიჩქარეზე აღემატება ხელშეკრულებით გათვალისწინებულ სიჩქარეს;
 - 5.4.2. საერთაშორისო საკაბელო მაგისტრალზე ავარიული გამორთვებით გამოწვეული სერვისის შეწყვეტაზე.

- 5.4.3. შემსყიდველის მიერ ქსელში გატარებულ ინფორმაციის შინაარსზე;
- 5.5. მიმწოდებელს უფლება აქვს:
- 5.5.1. გაწეული მომსახურების სანაცვლოდ მიიღოს ხელშეკრულებით გათვალისწინებული ფასი;
 - 5.5.2. ქსელის სრულყოფისა და განვითარებასთან დაკავშირებით (ახალი მაგისტრალების ჩართვა, ტექნიკური საშუალებების განახლება-მოდერნიზირება, ქსელის კონფიგურაციის შეცვლა, ახალი ტექნოლოგიების დანერგვა და სხვა) მოახდინოს ქსელის გარკვეული მონაკვეთების დროებითი გათიშვა შემსყიდველთან წინასწარ შეთანხმების საფუძველზე.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. ერთ ჯერზე თითოეულ წერტილზე თბილისში ერთ საათზე, ხოლო რეგიონებში ერთ ჯერზე ორ საათზე მეტი ხნით სერვისის მიუწვდომლობისათვის მიმწოდებელი დაჯარიმდება ხელშეკრულების ყოველთვიური ღირებულების 3%-ის ოდენობით ყოველ ვადაგადაცილებულ საათზე (ჯარიმის დათვლისას ყოველი არასრული საათის ვადაგადაცილება დამრგვალდება ერთ სრულ საათმდე), ხოლო მთლიანი ლიმიტის ზემოთ (99,5%) ვადაგადაცილებაზე, ყოველ ვადაგადაცილებულ საათზე ხელშეკრულების საერთო ღირებულების 2%-ით, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.
- 6.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,1%-ის ოდენობით.
- 6.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.
- 6.4. იმ შემთხვევაში, თუ საჯარიმო სანქციების ჯამური ოდენობა შეადგენს ხელშეკრულების ფასის 15%-ს მხარეები უფლებამოსილნი არიან ცალმხრივად გაწყვიტონ ხელშეკრულება.

7. კონფიდენციალურობა

- 7.1. მიმწოდებელი იღებს ვალდებულებას შემსყიდველის წინასწარი წერილობითი თანხმობის გარეშე არ გაამჟღავნოს ან გახადოს ხელმისაწვდომი ნებისმიერი ფორმით და ნებისმიერი სახით კონფიდენციალური ინფორმაცია მესამე პირებისათვის ან განიხილოს მესამე პირთან ასეთი კონფიდენციალური ინფორმაციის შინაარსი. მიმწოდებელს შეუძლია ასეთი კონფიდენციალური ინფორმაცია შემსყიდველის წინასწარი წერილობითი თანხმობის გარეშე გასცეს საკუთარ თანამშრომლებზე და მხოლოდ იმ თანამშრომლებზე და იმ მოცულობით, რაც საჭიროა მათი მხრიდან ფუნქციების შესასრულებლად.
- 7.2. მიმწოდებელმა უნდა უზრუნველყოს, ამ მუხლის შინაარსის თავისი თანამშრომლებისთვის გაცნობა და კონფიდენციალურობის მოთხოვნების მკაცრი დაცვა.
- 7.3. მიმწოდებელი უფლებამოსილია მიაწოდოს კონფიდენციალური ინფორმაცია მის ქვეკონტრაქტორებს, რათა მათ შეასრულონ სამუშაოსთან დაკავშირებული ვალდებულებები. კონფიდენციალური ინფორმაციის მიწოდებამდე ქვეკონტრაქტორებმა მიმწოდებელთან უნდა დადონ კონფიდენციალური ინფორმაციის არ გამჟღავნების შესახებ შეთანხმება, რომელიც შესაბამისობაში იქნება წინამდებარე მუხლთან.
- 7.4. ამ მუხლის 7.6 პუნქტის დაურღვევლად, წინამდებარე მუხლით გათვალისწინებული ვალდებულებები ინარჩუნებენ იურიდიულ ძალას ხელშეკრულების შეწყვეტის შემდეგაც.
- 7.5. იმ შემთხვევაში, თუ ხელშეკრულების ორივე მხარე შეთანხმდება ამ მუხლით

გათვალისწინებული ვალდებულებების შეწყვეტაზე, მხარეებმა ერთმანეთს უნდა დაუბრუნონ ყველა ის კონფიდენციალური ინფორმაცია, რაც მათ მიიღეს წინამდებარე ხელშეკრულების ფარგლებში ან შეთანხმებით გაანადგურონ ის.

8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია ფორს-მაჟორული გარემოებებით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 9.2. წინამდებარე ხელშეკრულების მიზნებისათვის ფორს-მაჟორულ გარემოებებს წარმოადგენს დაუძლეველი ძალის გარემოებები, მათ შორის სტიქიური მოვლენები, კატაკლიზმები, ომი, სამოქალაქო არეულობა, გაფიცვა, ლოკაუტი, საკანონმდებლო, აღმასრულებელი ხელისუფლების ან/და თვითმმართველობის ორგანოების, საერთაშორისო საგადახდო სისტემების გადაწყვეტილებები, და ა.შ. რომელიც შეუძლებელს ხდის მხარეთა მიერ ხელშეკრულებით ნაკისრი ვადამოსული ვალდებულების სრულ და ჯეროვან შესრულებას.
- 9.3. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 9.4. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოებს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. ხელშეკრულება ძალაში შედის 2017 წლის 1 იანვრიდან და მოქმედებს 2018 წლის 31 იანვრის ჩათვლით.

12. ზოგადი დებულებები

12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

12.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

*(უფლებამოსილი პირის სახელი, გვარი,
ხელმოწერა და თანამდებობა)*

მიმწოდებლის მხრიდან:

*(უფლებამოსილი პირის სახელი, გვარი,
ხელმოწერა და თანამდებობა)*

ფასების ცხრილი

N	წერტილების დასახელება	სიჩქარე	ერთი თვის ღირებულება (ლარებში)	12 თვის ღირებულება (ლარებში)
1	ეროვნული ბანკის საკასო ცენტრის შენობის სერვერულ ცენტრში (ქ. თბილისი, კახეთის გზატკეცილი N72)	გარანტირებული ლოკალური სიჩქარე 1 გიგაბიტი/წმ		
		გარანტირებული გლობალური სიჩქარე 60 მეგაბიტი/წმ		
2	ეროვნული ბანკის ფულის მუზეუმი (ქ. ყვარელი, შოთა რუსთაველის N10)	გარანტირებული ლოკალური სიჩქარე 2 მეგაბიტი/წმ		
	ჯამი:			

შენიშვნა:

- წარმოდგენილი ფასები მოიცავს მომსახურების სრულფასოვან განხორციელებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს,

(პრეტენდენტის დასახელება)

(უფლებამოსილი პირის სახელი, გვარი)

(უფლებამოსილი პირის თანამდებობა) ბ.ა.

(უფლებამოსილი პირის ხელმოწერა) ბ. ა.